



Fylkesmannen i Hordaland

Sakshandsamar, telefon
Kjetil Stavø Høvig, 5557 2260

Vår dato
16.01.2018
Dykkar dato
«REFDATO»

Vår referanse
2018/830
Dykkar referanse
«REF»

Til kommunane i Hordaland

Trekk av fag og kandidatar til sentralt gitt skriftleg eksamen i grunnskulen våren 2018

Fylkesmannen viser til følgjande informasjon frå Utdanningsdirektoratet om trekking av fag og påmelding av kandidatar til skriftleg eksamen i grunnskulen:

- [rundskriv frå Utdanningsdirektoratet Udir -2- 2018](#)
- [trekking av eksamensfag](#)

Merk at vaksne som skal meldast på til sentralt gitt grunnskuleeksamen i engelsk, norsk eller matematikk våren 2018 skal meldast opp i dei same fagkodane som vert nytta ved påmelding av elevar i grunnskulen.

1.mars må alle kandidatar som skal gjennomføre skriftleg eksamen i grunnskulen våren 2018 vere registrerte med fagkodar i PAS-eksamen.

Ansvar

Etter § 3-28 i forskrift til opplæringslova har kommunen ansvar for trekking av fag og elevar til sentralt gitt eksamen i grunnskulen. Kommunen har òg ansvaret for den praktiske gjennomføringa av eksamen. I forskrift til opplæringslova § 4-21, 2 ledd, som omhandlar vaksne, heiter det: «*Kommunen har ansvaret for å trekkje fag og deltakarar til sentralt gitt eksamen i grunnskolen og for den praktiske gjennomføringa av eksamenen*».

Vi minner om at vertskommunen også har ansvaret for trekking av fag og elevar for eventuelle friskular i kommunen, jf. forskrift til friskolelova § 3-26, sjå vedlegg.

På dette området har Fylkesmannen m.a. fått følgjande oppdrag: «*Fylkesmannen skal følge opp regionalt arbeid med det nasjonale kvalitetsvurderingssystemet, herunder eksamen, jf fullmaktsbrev til fylkesmennene. Fylkesmannen har et overordnet ansvar for at fordelinga på fag er rimelig*».

Organisering av trekket

Kommunen må

- ✓ innhente opplysingar frå dei kommunale og private grunnskulane og vaksenopplæringscenter om kandidatar som skal avleggje skriftleg grunnskuleeksamen våren 2018.

- ✓ trekkje grupper og fag til eksamen på bakgrunn av oversyn over prøvegrupper frå skulane. Dei vanlegaste trekkfaga i vårt fylke har følgjande kodar:
 - engelsk: ENG0012
 - matematikk: MAT0010
 - norsk: hovudmål: NOR0214 og sidemål: NOR0215. Dei same elevane skal avlegge prøve både i hovudmål og sidemål
- ✓ kontrollere at trekket fordeler seg jamt på fag og skular over tid
- ✓ gje skulane og vaksenopplæringssentra melding om trekkresultatet så snart trekket er gjennomført.

Påmelding av kandidatar i eksamensadministrasjonssystemet

Påmelding av kandidatar til eksamen skjer i systemet PAS-eksamen: <https://eksamen.udir.no/>

Skulane og vaksenopplæringssentra må innan 1. mars

- ✓ melde på kandidatane i det nye eksamensadministrasjonssystemet
- ✓ bestille materiell eksamensadministrasjonssystemet til kandidatar med trong for særleg tilrettelegging.

Sjå denne [filmen](#) på Utdanningsdirektoratet sin blogg om korleis ein legg inn kandidatar.

Ved påmeldinga må alle som skal avleggje skriftleg grunnskuleeksamen knytast til ein bestemt fagkode. Merk at dei som skal avleggje eksamen i norsk skriftleg, og har **fritak for vurdering med karakter i skriftleg sidemål, berre skal meldast på i fagkode: NOR1415.**

Det er berre eksamenskandidatar som skal gjennomføre eksamen som skal meldast på i eksamensadministrasjonssystemet, ikkje dei som er fritekne for vurdering i faget, jf §§ 3-20 og 3-21 i forskrift til opplæringslova, eller dei kandidatane som etter søknad er fritekne frå eksamen, jf § 3-24 i forskrifta.

Dersom det skjer endringar i påmeldinga etter at påmeldingsfristen er gått ut, må skulen snarast kontakte Fylkesmannen.

Eksamensstrekket er konfidensielt

Alle som får tilgang til opplysningar om trekkfag i eksamensadministrasjonssystemet, må gjerast merksame på at eksamensstrekket er konfidensielt fram til kunngjeringa av trekkfag onsdag 9. mai kl. 0900.

Med helsing

Anne Hjermand
utdanningsdirektør

Kjetil Stavø Høvig
seniorrådgjevar

Brevet er godkjent elektronisk og har derfor inga underskrift.